

Le Saltà



PLATA D'ENFORMAZIUN DAL COMUN DE MAREO - Nr. 13/2014 - 17 de merz 2014

Comun de Mareo, strada Catarina Lanz 48, 39030 Mareo, telefonn 0474/501023, fax 0474/501644,

www.comun.mareo.bz.it

info@comun.mareo.bz.it



Laoré dé y net

Cösc invern mët dassënn ala proa i laoranti de Comun. Ai à mossü fora en gröm de iadi con les mascinns a romené les strades. Ai fej en sorvisc co se mirita en Iolan

Contribuc scinchês dal Stato

Les dezijiuns y deliberaziuns tutes dal Consëi de Comun tles sontades dai 23 de novëmber 2013 y dai 7 de forà 2014

SONTADA DAI 20.12.2013

Bilanc dai Stödafüs

Le Consëi à aproé i bilanc de previjiun 2014 dai corps de stödafüs dal comun de Mareo. Le bilanz dai Stödafüs d'Al Plan s'avalieia sön 65.050,00€, chël dai Stödafüs d'La Pli sön 124.100,00€ y chël dai Stödafüs da Rina sön 21.100,00€

Nominaziuns

Le Consëi à nominé i rapresentanc de Comun tal comitè de gestiun dal Parch Natural Fanes - Senes - Braies. Mëmbri efetifs è i aconsiadus Marco Pizzinini y Felix Ploner, mëmbri sostitutifs è i aconsiadus Patrick Complojer y Carlo Palfrader.

Aministraziun

- Le Consëi à aproé l'adatamont dal plann d'atuaziun dal raiun de completamont B3 "Pelegri" por gauja dal ampliamont dal indesc de cubatöra da 1,70 a 1,96 m³/m².

- Al è ince gnü müdele plann normatif dal raiun de ressanamont "Al Plan", sotraiun A/3 - löt 3/8, müdenn l'altëza mesana ponderada dla pdf 961 tal CC de Mareo (Valiares), por gauja de restrotoraziun y ampliamont sön la parzela soradita.

Deplü sön l'aproaziun dal bilanz de previjiun 2014 ciafëise a plata 4.

SONTADA DAI 07.02.2014

Müdaziuns de bilanz

Le Consëi à aproé na müdaziun de bilanz por 848.958,05€. Ara nen jea da azeté en contribut dal Ministër dles Infraströtöres y dai Trasporc de 834.403,00€ - co gnarà adoré por ressané le frabicat dai stödafüs, musiga y aiüt alpin. Laprò el gnü azeté en contribut provincial de 14.555,05€, por laürs

de sügherté sön la strada Grones.

Sön la pert dles spëises va les medemes somes por les destinaziuns preodüdes. Laprò an tut demez da n ater capitul 8.000,00€, co gnarà adorés en pert por la plaza dal palè a La Pli (5.000,00), y en pert por espropriaziuns (3.000,00€).

Adejiuns

Le Comun de Mareo à dé pro al'adejiun ala cooperativa de cumpra "Emporium", con sonta a Balsan. Cösta cooperativa fistidiëia da scrì fora les gares d'apalt por cumpré la spëisa por les menses/refeziuns de scores y scolines. Le cost por l'adejiun è na soma una tantum de 500,00€, plü 1.210,00€ de spëises desvalies. Le Consëi s'è damané che al vëgni garantì che la cooperativa cumpri sù produc sön le marcé local.

Dërc de sotterac

- Le Consëi à aproé da ti conzeder en dërt de sotterac al sign. Walter Frenner, co oress trà jö y frabiché sò danö la Majun dal Cone, realisenn en frabicat con botëghes y apartamont. Le dërt de sotterac reverda na spersa de 50 m², co vën adorada por plazes da parché sot tera ete. Le Consëi à dé pro a condiziun che le sign. Frenner sii t'en dagnì deplèn a öna ala realizaziun d'en garasc de comun sot tera ete o na plaza da parché, denn la poscibilitè da roé bel pomez a termo, y ince che al sii a öna con la costruziun de na strada de zirconvalaziun eventuala tres Valiares, y/o de coliamont con le garasc y/o plaza da parché soradié.

- Le Consëi à ince dé pro da ti conzeder en dërt de sotterac ala sign.a Erminia Trebo mar. Taibon (Gran Ciasa d'La Pli), por la realizaziun d'en garasc sot tera ete. Le Consëi à belo tla sontada dai 12

d'otober 2012 dé pro da conzeder le dërt. En cösc iade nen jëra da sposté l'entrada de 2 metri a vest, por empormeter che ara vëgni manco ërta. Le Consëi à dit de sciö, ala condiziun che al vëgni denant desmostré che la plaza dai jüc romagn desche ara è sën, resp. che ara ne vëgni nia mëndra o müdada.

Regolamont

Le Consëi à aproé en regolamont laoré fora dal Consorzi dai Comuns, sön le sorvisc de notificaziun, co vën destrighé te Mareo dla verda de comun. Le regolamont va debojügn por podëi avëi la basa da sorandé cösc sorvisc a terzi - te cösc cajo vëgnel baié dles Postes Talianes.

Plann setorial nò dai emplané portamunt

Les sozieté Skiarea Miara Srl y la Sozieté dai Lifé d'Al Plan Spa à prejenté osservaziuns sön le plann setorial nò dai emplané portamunt y dles pistes dai schi. Les sozietés è dla minunga che le plann - desche al è formulé al momont - rapresentëi na ostruziun y en impedimont por cösc ram economich, porchël àres porté ete na ligna de müdaziuns. Le Consëi de Comun à aproé dotes les müdaziuns portades dant.

Nominaziuns

Le Consëi à nominé i revisurs dai cunc d'Administraziun Despartida dai bëns d'anüzada zivica, por le tomp 2014-2016. L'aconsiadù Marco Pizzinini tol ete le post dal sign. Tone Maneschg, i atri revisurs è romagnüs i medemi: l'aconsiadù Davide Brandlechner y Jep Agreiter d'La Pli.

Toponomastica

Le Consëi de Comun à aproé ofizialmonter la cherta dai enoms ladins dal comun de Mareo,



Pla sontada de Consëi ai 7 de forà. Le president dla Sozieté dai Lifé d'Al Plan Georg Mutschlechner spliga les motivaziuns por la domanda de müdaziun al plann setorial dles pistes y dai emplané portamunt.

laorada fora dal Istitut Ladin "Micurà de Rü". Laprò el gnü fat fora da scrì dant l'adoranza de chisc enoms te düc i ac ofiziai dal

Comun de Mareo, y da ti la scrì dant a düc i ofizi publicis atifs tal comun de Mareo. L'Ombolt Albert Palfrader, desco president dla Lia

dai Comuns Ladins, è gnü enciarié da envié incé i atri comuns dla Lia da tó le medemo provedimont o en provedimont de cösta sort.

I scioldi dai fonguns

Le Comun à podü partì sö la soma de 8.364,00€

Tla sontada dai 26 de forà 2014 à la Junta de Comun partì sö danter les trëi fraziuns i scioldi dai fonguns. Ara se trata de na soma de 8.364,00€, co gnarà anüzada por le mantignimont de strades y trus de bosch.

LA PLI: 4.100,00€

- Frontull Hubert: 1.800,00€ por la strada de bosch "Frena - Chi Jus";
- Vijinanza da Čiaseles (Andrea Daverda): 1.000,00€ por les strades de bosch "Dô Planeta" y "Prades";
- Vijinanza d'La Pli Dessot (Ploner Federico): 500,00€ por mantegnimont y mioramont de strades de bosch;
- Vijinanza da Curt (Obermair Martin): 800,00€ por strades de bosch devalies.

AL PLAN: 1.600,00€

- Vijinanza da Mantëna (Plazza Walter): 700,00€ por la strada de bosch „Picia Cöna“;
- Vijinanza d'Al Plan (Maneschg Karl Heinz): 700,00€ por la strada de bosch „Büsc dal'Ega - Salt“;
- Trebo Robert: 200,00€ por la strada de bosch "Roterins - Col dla Para".

RINA: 2.664,00€

- Chizzali Davide: 300,00€ por sistemaziun de strades de bosch;
- Vijinanza da Tintal (Gasser Hermann): 732,00€ por la strada de bosch „Munt da Tintal“;
- Vijinanza da Rina (Ferdigg Fortunato): 900,00€ por la strada de bosch „Munt da Rina“;
- Vijinanza da Val (Tasser Giuseppe): 732,00€ por les strades de bosch "Prestì - Rü" y "Val - Munt da Rina".

Val' enformaziuns sön le bilanz

Le Consèi de Comun à tla sontada dai 20 de dezember 2013 aproé le bilanz de previjun 2014

Le bilanz de previjun 2014 dal Comun de Mareo s'avalieia fora sön la soma de 7.450.534,00□ y è ensciö dal 1,43% plü bas co chël dal ann denant.

Sot al capitul 1: entrades da cultes, èl preodü da trà ete rodunt 1 miliun de euro con l'IMU, spo 350 mile euro dla culta de sojornanza. Cösta i jarà endere deplèn ennant ales lies dal turism (aziènda d'Al Plan y consorz turistich de Plan de Coronas). Sön 125.569,00□ amunta la culta regionala sön les ativitès produtives IRAP. De mëndres cultes è chëra sön la publizité (8.000,00□), la culta por l'ocupaziun de spersa publica (7.000,00□) y sanzions aministratives desvalies

(25.000,00€). Por ci co reverda i contribuè provinziài, èl preodü da ciafé 1.150.000,00□ desco contribut por l'avaluada de bilanz, y ciámó 415.838,00€ de contribut por les operes publices. Deplü è i contribuè dla Provinzia sön i fiè dai scioldi che le Comun s'è empresté da realisé operes publices: chisc fej fora döt adöm 514.846,00□.

Sot a d'atres maius entrades ciafunse spo i 966.136,00□ por les tarifes. Cösta soma tol ete les entrades por le sorvisc dal ciomont, dles eghes pazes, dla ega da bëre (mâ La Pli y Rina), la refeziun, rëtes dla scolina y d'ater. Sön 80.000,00□ vën sciazades les entrades dal daz sön la strada ete por la Val de Mareo.

LA SITUAZIUN DAI DEBIĆ

Le Comun de Mareo à ala fin dal 2012 en debit de 4.641.287,78□. Dertan le 2013 à le Comun tut sön en imprèst nò de 553.000,00□, y dal ater vers èl gnü tres la Provinzia en contribut por despaie capital de 534.184,50€. Le debit ala fin dal 2013 ea ensciö lesiermonter plü alt, sön rodunt 4.660.103,28□. Por l'ann 2014 à le Comun à preodü da tò sön en imprèst nò de 270.000,00□ (imprèst zonza fiè), co è gnü adoré tal ciamp dla viabilité (danter l'ater por cumpré l'UNIMOG), y dla Provinzia dëssel gnü adalerch en contribut de capital de 542.540,07€. Ensciö dess ala fin de cösc ann le debit total jì zoruch a 4.387.536,21□.

Spëises de investimont

Dorteré auti y mascïnns de Comun	10.000,00□
Ascensur scora mesana	80.000,00□
Implant audio y löms tal salf dles manifestaziuns d'Al Plan	62.000,00€
Costruziun, manutenziun de strades y plazes	160.000,00□
Costruziun strada d'azes ai raiuns d'espansciun Rina I + II	43.000,00€
Tru da jì a pè La Pli - Curt	5.000,00□
Laürs strada Alfarëi (danns dal tomp)	30.000,00□
Cumpré en UNIMOG	190.000,00€
Iluminaziun publica (Valiares - Antersì - con mëter jö rôs dla fira otica)	180.000,00€
Urbanisaziun dal raiun d'espansciun Ras	200.000,00€
Contribut stödafüs d'La Pli	25.000,00□
Contribut stödafüs Rina	7.000,00□
Coletur dles eghes blançes-fosces Pelegrin	30.000,00€
Costruziun condütes eghes pazes	10.000,00□
Manutenziun straordinaria de condütes dal'ega	10.000,00□
Ressanamont condütes dal'ega a Rina	40.000,00□
Realisaziun de na plaza dal palê a La Pli	30.000,00€
Trasferimont de capital por la ciasa de palsa da San Martin	50.000,00€

Racoüda dal ciomont da tosser

I proscimi terminns por la racoüda dal ciomont da tosser è:

- ai 17 de merz 2014: dales 11.30 ales 12.30 a Longega;

- ai 5 de mà 2014: dales 8.00 ales 9.00 a Al Plan, dales 9.30 ales 10.30 a La Pli, dales 11.45 ales 12.45 a Rina

- ai 3 de jügn 2014: dales 11.30 ales 12.30 a Al Plan, dales 13.30 ales 14.30 a Longega

I posé de racoüda è: a Al Plan dô comun, a La Pli te plaza dal mone, a Rina te zënter de païsc, a Longega sön Plaza de Bastl.

Ciomont de ćiasa: mūdaziuns

La Comunità Comprensoriala de Puster à scrit fora le sorvisc de racoüda dal ciomont de ćiasa por dōta la Val Badia deboriada. Con le 1. de mà mēt man le sistem nō. I Se dijun cares co sarà les mūdaziuns

Dan pūc mēnc è jū en funziun le furn dal ciomont ete Balsan, olache dūc i comuns de Südtirol arà da condū le refodam a lascé borjé. Ensciō incē i cin' comuns dla Val Badia. Cōsta è stada l'ocajun por i comuns da se mēter adōm y scrī fora le sorvisc de racoüda dal ciomont deboriada. Eniann de jenà à la Comunità Comprensoriala Val de Puster scrit fora le sorvisc por le ciomont de ćiasa, por dūc cinch i comuns dla Val Badia deboriada. Ćina ćiamó ēl vigne comun co s'ā scrit fora separat le sorvisc, y s'al regolā ensciō desche ara i bütā le plū. Cōsc dess se mūdē con eniann. Tres na escriziun deboriada, gnarà le sorvisc te dūc i comuns dla valada destrighē con les medemes carateristiches. Le ponsier co stā doia: sce an scrī fora deboriada, messasson podēi sparagnē deplū.

Le sistem de racoüda nō piarà ia con le 1. de mà 2014. Al sarà na dita sora co fistidiēia dal sorvisc te dōta la valada, y la dita co cīafarà l'apalt, le cīafarà ćina al 31 de dezēmbler dal 2021. La soma dl'escriziun è de 1.663.000,00€ (por dūc i comuns adōm). Ai 5 de merz - canche Le Saltà ea sōn tru da gnū stampé - ēl tomē le termo por les dites da prejentē sōes ofertes. La mūdaziun dal sistem de racoüda comportarà en valgūnes mūdaziuns tal sorvisc.

1) LE DÉ DLA RACOÜDA

Te vigne comun ēl gnū fissé en dé al'edema avisa, olache le ciomont



Le furn dal ciomont a Balsan. (Foto: provinz.bz.it)

de ćiasa gnarà coū adōm. Por le comun de Mareo ēl gnū fissé le dēdōlōnesc. Chēl ô dī che i chibli y i sać messarà gnū motūs fora por en chēl dé da doman. Cōsc dé romagn le medemo dōt l'ann. Dertan le tomp de sajun gnarāl enjuntē na secunda racoüda incē de vëndres, mā por i eserzizi turistics. Desco tomp de sajun ēl gnū definī la spana dai 25 de novēmbler ćina ai 10 d'aorī (invern) y dai 15 de jūgn ćina ai 30 de setēmbler (istē).

2) I CONTEGNIDUS

Con la mūdaziun dal sorvisc, ne podarà i eserzizi nia plū adoré i gran chibli de fer da 1.100 litri. Chisc messarà gnū sostituis con chi de plastiga. Chi co nen adora, messarà s'an arjigné de nōs a sōes spēises, y podarà i aposté diretamonter te comun. Incē tlō è i comuns dla valada tal laūr da

valütē da i cumpré deboriada.

3) I SAĆ

Na mūdaziun ēl incē por chi co adora i sać dal ciomont. Ćina ćiamó, canche an jea te comun a se dō i sać, paiān val' centejimi a sach, y spo la jütada, canche le sach gnea desgort. Tal dagnī, nes à dit l'assessur Fonjo Winkler, paiarān la jütada belo canche an va a se dō i sać, tanco pàiun le sach plēn, y spo plū nia canche le sach vēn desgort.

Degūnes mūdaziuns ne n'ēl por i atri mēndri contegnidus. Tlō podarān adoré ennant i medemi. Al vēn recordē che les mūdaziuns reverda mā le ciomont de ćiasa. Por ĩ co reverda la racoüda dal ciomont organich o dal ciomont particular tal magazīnn da Ćiamaor, romagnel dōt desco denant.

Can vēgnel pa laé fora i contegnidus dles laadōres?

Na dita aposta vēgn zacotan de iadi al ann a laé fora i contegnidus dles laadōres / ciomont organich. Al basta i mēter fora en chēl dé tai posć olache an i porta a jütē. Les proscimes dates è: **11.04.2014 - 09.05.2014 - 20.06.2014.**

Racoüda de eri y grasc

I eri y grasc de hotī y restoranc vēn coūs adōm en vëndres ai **11 d'aorī 2014** y le vëndres ai **10 d'otōber 2014.** Sce i eserzizi publics à debojūgn de na terza jütada, vēn cōsta fata sōn domanda tres fax o telefonn ala dita Dabringer Srl da Feldthurns. I numeri de contat è: tel. 0472/979700, fax 0472/979710.

Cösc invern se damana de gran sforc

Nëi, nëi y ciamó en iade nëi. L'invern da eniann è sté tles ultimes edemes na gran desfida inçe por i laoranti de comun y le Comun enstès. I àn baié con l'assessur Richard Erlacher, co s'aspeta en gran aumont dai cosc, y anunziëia inçe valgügn problems sèn d'invern y poester plü ennant da d'aisciöda

Tai paisc da munt desco tlò te Mareo èl de gran emportanza che an ài d'invern en sorvisc co funzionëia bun. Cis olache al è trep turism, s'aspètun dô vigne noüda les strades tosc desparades fora, y ensciö inçe i marciapisc. Le Comun de Mareo ciara ann por ann da garantì en sorvisc endortöra. Ultimamenter èl gnü cumpré inçe mascïnns modernes, al vare con i tomps, por podèi pitè en sorvisc efiziënt y inçe snel. I cater laoranti de comun à a desposiziun 2 cadries Radlader, da püch èl gnü adalerch l'Unimog nò, che an po odèi sòn la pröma plata de cösc "Saltà". Laprò èl ciamó en camion, y na pachera emprestada. Emplü i vëgnel dé ia a privaé le sorvisc da desparé i marciapisc, desco inçe les strades de comun d'La Pli forapert cuntra Brach, Pliscia y Peraforada. En invern desco chël da eniann raprejentëia endere por vigne sorvisc bindebò de desfida. Porchël se mirita i laoranti sogü inçe en gran iolan por les trepes ores sorafora che ai à fat de dé, y bèn inçe de net.

I àn orü s'la cunté con l'assessur Richard Erlacher, co nes à dit ci che en te' invern comporta por le Comun, cai co è i problems y cares les dificolts.

Le Saltà: Assessur, eniann èl davèi en invern dër particular. Al à noü gonot y gonot inçe trep. Ci ô pa di cösc por le Comun?

Richard Erlacher: Por le Comun, desche al è eniann, èl soradöt l'aspet finanzia. I scioldi che i àn motü a bilanz por cösc invern ne bastarà sogü nia. Al sarà na spëisa bindebò grana, mo chël odarunse spo plü avisa canche i ciafun i cuné dla nafta, dal anüzamont dles mascïnns y i atri materiai desco sé y giara. I sun dla convinziun che



L'assessur Richard Erlacher.

al sarà cotan deplü co t'en invern normal.

Ci costa pa en sorvisc da d'invern?

Normalmonter nen gnëse fora t'en invern con za. 150.000,00€, mo eniann sogü nia.

Dan val' agn à le Comun fat müdaziuns pal sorvisc dal invern. Al vën dé ia manco sorvisc da desparé a privaé. La gran pert vën fat dai laoranti de comun. Dal ater vers àn cumpré mascïnns nees. Podëise di dopro che le Comun sparagna empò?

Nos aratun bën. Denant paiânse cina 160.000,00€ al ann mâ por i sorvisc che i dën ia, tanco por desparé i marciapisc, d'La Pli forapert y desparé les strades da Rina. Chël se gnea enmont co foss demassa. Sèn èl i laoranti co fej gran pert. Al è vëi che i àn cumpré döes mascïnns te püic agn, öna co à costé 120.000,00€ - deache ara ea de secunda man, y spo l'Unimog co à costé oramai 200.000,00€. Mo sc'i aratun che ares tin spo 15 agn y passa, sparagnunse empò.

Te trec comuns èl le problem

che i privaé ne sa nia dagnora ola ia con la nëi, y ensciö la sciürai te strada. En problem inçe te Mareo?

Io, cösc è dër en gran problem. Sambën che i privaé ne sa gnanca dagnora ola ia con la nëi, mo la sciüre te strada n'è ninonia la soluziun. Tlò messarunse baié te Junta o te Consëi desche i messun la tó, deache la situaziun che i àn albü eniann, y inçe i ultimi agn, ne va sciomplamenter nia bun. Al n'è cinamai de chi co porta pomez nëi te strada con pacheres, y le Comun mëss spo la plinderné. Eniann ànse mossü tó en pèr de iadi Marco Erlacher con la pachera a daidé romené la nëi, deache i ne roân nia plü dô. Sce al vën na dërta nëi messunse cis t'Al Plan jì demez empara. Zonza ne sàn tla finada nia plü ola la sbürlé, y döt s'empifa sö.

Y con le trafich èl ciamó plü rio da desparé...

Sambën. Tlò oressi fà en apel. Canche al nëi dër dassënn, desche al è sté en pèr de iadi, enviëi bën la jont dal post da lascé l'auto a ciasa. I laoranti dij enstësc che le problem ne n'è nia tan la nëi co toma, mo le trafich y la nëi co vën sciürada te strada. La nëi co vën despàrun pa bën, mo corieres, schibus y cis i trec auti dal post co roda cheriëia dificolts. I laoranti ne po nia plü trës con la cadria, y ne sa nia ola sbürlé la nëi. Spo ne pòn gnanca fà pöde sce la nëi è tla finada menada sora y al vën en gröm de büsc. Porchël periassi la jont dal post, canche al nëi trep, da lascé l'auto chit, tan ennant che ara va.

Cösc che al vën sciüre la "nëi privata" te strada. Èl en problem mâ d'Al Plan o inçe tles fraziuns?

Al è pa bën endlunch le problem,

inće a Rina y La Pli. Mâ che enlò n'èl nia tan prescia da jì empara y ara va da la sbürle demez plü saorì. A Al Plan mëssun endere ciaré da la desgorje tosc y debota.

Ći poscibilitês à pa i zitadins? Cal foss pa le "dër comportamont"?

Sce la nêi vên sciürada te strada denant che la cadria pàssi, n'èl sogü nia en gran problem, mo ara ne büta nia, sce la nêi vên sciürada te strada canche la cadria è belo passada. Sambën che la cadria passa gonot adora da doman, mo spo mëssun ciaré da sciüre fora la nêi adora assà. Zonza èl la poscibilitè da l'abiné sò t'en post, spo èl dagnora sté che chi de comun passa tla finada y la condüj demez.

I periëis inće dô en pü' de cazonza?

Avisa. Al è gnü nêis moles, nêis posoces y ries da desparé, ensiö che inće la cadria è plü pegra. Dôt va plü pegher, mo an fej pa bën dampröia. I laoranti fej sogü dôt le poscibile.

Assessur, ċi che an s'an à anadé, è che belo sên èl cotan de strades co s'an à tut na ria. Al s'à formé te val' posé bindebò de büsc. Cares è pa les gaujes?

La gauja è che le grunt ne n'è nia dlace pro y al è endlunch dër mol. Spo èl sambën inće le sé co po trës y fej sôa faziun sôn les strades. Sce le terac dlaciass y romagness dlace, ne fôssel nia le problem, mo eniann n'èl nia sté frëit y l'ega po trës sot asfalt ete. Les strades se rüna.

Vara pa ciámó da cuncé fora chisc büsc da d'aisciöda, o messaràn fà asfalé nös?

Da fà asfalé endlunch ne n'ânse nia i scioldi. Olache ara va, fajarunse asfalé nös, y te d'atri posé gnarà la strada cunciada fora. Tlò èl endere da dî che olache an cuncia fora, se spaca les strades endô defata. Sce al vên fat asfalt, messàsün fresé sô, desche al è gnü fat sôn la strada Plazores, y fà lassora en bel asfalt nò, spo tignera. Mo sambën, chisc è laûrs co costa trep.



Le sorvise da d'invern n'è nia zonza prighi. La cadria de Comun jüda sorajö a Fordora. Por fortiüna s'l àn cavada con na spordiüda.

Al vên gonot critiché che le sé è de dann por l'ambiont, o almanco les sostanzas co vên moscedades laprò. Ensiö àn proé da sciüre en pü' manco sé o sé biologich. Co èra pa stada?

I àn proé da nia sciüre sé, spo pornanche al è gnü plü cialt èl gnü de gran büsc y cogoi sôn strada, che ara ne jea feter gnanca plü da jì. Cösc soradöt t'Al Plan y ete por la Val de Mareo. Spo ànse mossü empröma tó la pachera a crazé sô y spo ànse endô sciüre sé normal. Le plü sé vëgnel vaighé tal païsc d'Al Plan, deache al vên dît che les strades mëss ester dô püch tomp tarènes.

Mëss les strades ester dagnora tarènes t'en païsc de munt?

Iu aratass inće de no. Tal pröm ànse inće proé da adoré en sé biologich. Al ess sogü sconé deplü l'ambiont, mo al laorà en pü' demanco co le sé normal, y al è gnü fora bindebò de cajan. I m'à ciafé en grôm de telefonades, ensiö sunse jüs zoruch al sé normal.

L'ann passé da d'aisciöda, por gauja dla trepa nêi sô alalt y dles gran plöies, èl gnü de gran eghes fora por la Val de Mareo, co à fat bindebò de dann. Se temëise pa che cösc pòi sozeder inće eniann?

I vëighi cösc prigo dër realistich. I à inće baié con chi dal Parch Natural, co arata le medemo, cis sce al ess da plöei gonot, o sce la nêi ess da deleghé debota. I laûrs

ete por la Val ne n'è nia ciámó roës. Al è gnü fat laûrs tal canal dai Tamersc fora, y chi tin pa bën. Dô i Tamersc èl da odëi sce al basta i laûrs che an à fat. Le maiü problem è le tòch dai Gran Trêi forapert, čina fora Fodara Masarönn.

Al ea gnü empormotü che Chi dai Rüs ess fat laûrs. Ći èl pa ciámó preodü?

Ai à dît che ai fajarà laûrs y che al foss da fà en flaster de podruns te dôt le let dal rü, mo al mančia i scioldi. Chël costass apresciapüch 300.000,00□. A desposiziun n'ai endere mâ encër 50.000,00□. Al è gnü empormotü che ciámó eniann da d'aisciöda metarài jö de gran podruns de funz te cer' posé, co dess architè jö l'ega.

Te plü posé àn odü che le tru dla roda raita jö pornanche al vên de maius plöies. Po pa le tru romagner olache al è?

Sce al vên fat chisc laûrs, pòl inće romagner. Sce i laûrs por sistemé le rü desč'al alda ne vên nia fač, spo messaràl tla finada bonamonter gnì sposté, zonza saràl vign'ann che an mëss jì a le cuncé. Canche an à proieté le laûr dal tru, nes èl gnü scrit dant da ne le fà nia massa dalunc dla strada, por che al foss plü o manco na trassa sora. Mâ che sên ànse strada, rü y tru dla roda dôt stront adöm, y l'ega à massa pücia lerch.

Dër bel iolan dles respostes!

I nasciüs dal 1. de novëmer 2013 ai 31 de jenà 2014

Bëngnüs te nosta comunità!



Nadia de
Hubert Palfrader y
Patrizia Pedevilla,
La Pli



Anja de Florian Hauser y
Anna Rastner,
Al Plan
(nasciüda d'otober 2013)



Alicia Angelica de Patrick
Weiss y Jessica Call,
Al Plan



Matthias de
Manuel Kastlunger y
Veronica Pedevilla,
Al Plan



Paul de
Gabriel Ellzeosta y
Annemarie Mühlmann,
Longega/La Pli



Gréta de Alexander
Zingerle y Manuela
Promberger,
Rina/San Martin



Maya de
Christof Moling y
Monika Erlacher,
La Pli

Caji de rësidënza

Stimëz geniturs, por la publicaziun dai nasciüs se referëse le Saltà dagnora ala rësidënza. Al sozed trës endò ehe mames jonges abitzia te Marzo mo à la rësidënza altrò o al contrar, enseiò sozedëra ehe mituns de families jonges abitzia tlò, mo ne rësultzia nia tla lista y ehi ne vën spo gnanea contalës. Sàmbën el te nosta intenziun da publiché soradöt i piei co nase tlò te Marzo. I enviun ehi geniturs olache al è de te' caji, da mené adalereh la foto de so pieio - sòa pieira a palfrader@rolmail.net, spo podunse tò en conseidrazion inez ehi. Le proscimo tèrmo da mené le retrat è i **20 de mà 2014**.

Na man por chi co à debojügn

La Uniun de San Vinzenz d'Al Plan dèida la jont da tlò co è tal debojügn. So aiüt va dales pices ligrèzes cina al sostèn finanziar. Sèn orèssel ciamó ester voluntars co vèn docà, por daidé porté ennant l'ativité sozuala tan emportanta

Alea i 10 d'otober dal 1953 che al gnea motü sö a Al Plan de Mareo na Uniun de San Vinzenz. Pröm presidènt gnea motü Anton Obwegs dal Mair, co laorà t'en comitè motü adöm da ciamó 7 porsones. L'ativité de cösta uniun jea ennant cina dal 1964 y gnea en chël ann lasciada sö. Dal 1987 èl spo le ploan signor Fonjo Clara co enviâ endô ia l'iniziativa da ti dé vita nea a cösta uniun. Y bel avisa: ai 13 de jügn de chël ann garatâl la refondaziun. Tal consèi roâl ete le ploan enstès, spo André Videsott, Ida Taibon, Franziska Pitscheider, Lidwina Promberger, Tile y Rita Comploj, y Clara Ferdigg. André Videsott â 56 agn che al gnea litè pröm presidènt, y cösta enciaria à ciamó aldedancö, che al róa damprò dai 83.

L'ATIVITÉ

"Le pröm gran laür è sté chël da daidé na oma de familia co â pordü l'om - se recorda André Videsott - Ara â dui mituns y viea te na cïasa co ea da temèi belo mâ da jì ete". La Uniun de San Vinzenz à tlò fistidié da tó sö contat con artejagn, fà ia düc i papiers con i artejagn, cina al sciaccaré con i politizi. Con gran impègn y trepa bona man da pert de jont dal post, èra bel avisa garatada da dörteré la cïasa dla familia. Ara nen jea de na soma de 250 miliuns de lires, co ea chi agn en gran scioldo.

Chisc è bèn i caji straordinars. La Uniun de San Vinzenz se tol dant soradöt da daidé la jont da tlò. Söa ativité mèt man con les pices ligrèzes: chères da se tó en iade o dui al ann i berbesch dla cïasa de palsa y jì empara a fà na jita, o ti porté na picia scincunda ales porsones d'Al Plan co complèsc sora i 80 agn, cina al jì a cïafé porsones amarades o sores. L'aiüt va spo inçe plü ennant, dal vers finanziar, olache al va debojügn.

Atlò cïara la Uniun de San Vinzenz da avèi na orèdla y i edli daveré sön les situaziuns y realtès da vigne dé, por podèi porté aiüt concret y zonna gran burocrazia. Can èl en contribut finanziar por daidé despaie spèises, can vègnel sorantut i cunc de na botèga olache families cumpra ete da mangé. Y spo èl inçe i maius caji: families roades te emergènzes sanitaes y de stonta, olache la Uniun de San Vinzenz cïara da branéc ete y daidé dô con en sostèn finanziar. Y sce sü mesi ne basta nia, spo chir la Uniun inçe aiüt tla zentrala dla Provinzia, o ples uniuns ijines. An cïara da mené vigne mancia por daidé la jont co è tal debojügn.

André cunta che la maiù pert dla jont è encontonta y reconoscionta sce de chi dla uniun ti va pomez y ti dà en aiüt, y al envièia nosta jont da n'ester nia spâia: "Val' iade èl porsones co se dodà da damané dô aiüt, mo nos sun atlò por daidé, y la jont dess s'an anfidé da gnì pomez".

CO SE FINANZIÈIA PA L'UNIUN?

La Uniun de San Vinzenz se finanzièia porì con la bona man. Vign'ann èl le Comun de Mareo y la Cassa Raiffeisen co dèida dô con en contribut. A bèn dla Uniun va inçe les ofertes co vèn fates pla funziun da Gnissant dômisde (Al Plan). I atri mesi vèn dles spènores che jont fej de bona man, y soradöt ples sopoltöres. Cì co è dèrt da sèi: la Uniun ne n'â nia en fin de davagn. "Vigne spènora co vèn ete, vèn adorada por daidé", dij André.

AL Ô ESTER VOLONTARS

Encö è le Consèi dla Uniun de San Vinzenz motü adöm mâ plü da cater porsones. Le ploan signor Heinrich, André Videsott, Maria Comploj y Hildegard Frenner. Da püch è gnüda a mancé Teresa Ties



André Videsott è feter 27 agn presidènt dla Uniun de San Vinzenz d'Al Plan.

de Cassl, co à por agn alalungia dé en contribut sterch ala Uniun. Enschiò èsun sèn tla situaziun che an à debojügn de voluntars. André dij enstès: "Al foss dassènn sciode sce i messàssun dé sö l'ativité deache al se mancia la jont." Sce al foss porchèl te nosc comune porsones co ess enteres da daidé empara ativamonter, ères dèr bel enviades da se lascé adentène pal presidènt André Videsott al numer 0474/501066, o te calogna pal ploan signor Heinrich al numer 0474/501006.

Le tomp dé ca por daidé le proscimo, por ti sporje na man a porsones co à debojügn, è dagnora tomp investì bun. La ligrèza che an sont da scinché è gonot maiù co chëra che an sont da cïafé.

VIGNE SPÈNORA È BONA

La Uniun de San Vinzenz vir de spènores, y vigne spènora è dagnora bènodüda. I scioldi co vèn ete vèn düc adorès por daidé jont da tlò. Les situaziuns è trepes y gonot vâl debojügn da branéc ete con prescia. Chi co oress sostegnì l'ativité dla Uniun, po mené söes spènores sön le cunt dla Cassa Raiffeisen d'Al Plan, IBAN: IT69S 08010 58550 000305022282.

Staziun d'Al Plan desmotüda

Dal 1988 encà vëgnel registré a Al Plan i dač dal tomp y dles prezipitaziuns. Ai 17 de messé 2013 èl sté l'ultimo dé. Por rajuns de sparagn, à la Provinzia desmotü la staziun co ea motüda sö a Mantëna

Baldi ne podunse eniann nia prejenté na statistica dal tomp completa. La Provinzia de Balsan, co à na staziun dal tomp motüda sö a Mantëna, pal magazinn de chi dles strades, à tut la dezijiun da desmëter la staziun d'Al Plan, y cösc è sozedü con data 17 de messé 2013. Cösc è sté l'ultimo dé che an à coü sö i dač.

Empò proarunse, inçe con l'aiüt de relevaziuns personales, da ciaré zoruch ales corëtes dal tomp stades tal ann passé.

LES TEMPERATÖRES

Dër dessogü pòn dì che le mëns plü frëit dal ann è sté forà, co à albü na temperatöra mesana de 4,3 gradi de frëit, cösc è 0,7 gradi plü cialt co le forà dal 2012. De forà àn inçe albü le dé plü frëit dal ann, co è sté ai 10, con na temperatöra de -21,7°C. L'ann denant èl sté ai 6 de forà con -20,8°C. Le dé plü cialt ànse albü d'agost. Tlò podunse mâ fà referimont ala staziun da San Martin, olache al è gnü registré ai 3 d'agost na temperatöra de +31,4 °C. Le dé plü cialt registré tla staziun de Mareo (cina ai 17 de messé), è sté ai 17 de jügn, con na temperatöra de +29,8°C. Les staziuns da San Martin y Al Plan, inçe sce ares è mâ despartides da en col, mostra sö trepes desferonzies de temperatöra, y ne se lascia porchël nia confronté endortöra.

L'altonn è sté dôrata scialdi mol, con temperatöres cialdines. Cösc à dôré cina ala fin dal ann. I gran frëic è tla secunda pert dal 2013 stës fora tanco deplën. Basta ponsé che en Vëia de Nadé spizorâl alüsc belo i minâi.

PLÖIES

Por les prezipitaziuns stontunse da fà en bilanz de döt l'ann, mo i podun se limité ai dač co reverda i pröms 6 mëns. Enlò èl tomé

dal 2012 rodunt 302,2 mm d'ega (liter por meter cuadrat). Le pröm mez ann dal 2013 è sté cotan plü mol, con endöt 362,2 mm. Le confrunt con San Martin ne se lascia gnanca tlò fà, deache al è cotan de desferonzies. A nivel de provinzia, è otober sté le mëns plü mol dal ann. Endere èl atlò da nos sté agost.

Por ci co reverda i dis da plöia o nêi, n'èl inçe sté - tal pröm mez ann - cotan deplü co l'ann denant. Dal 2012 èl sté cina ala fin de jügn 44 dis da prezipitaziuns, dal 2013 n'àn cumpedé 62. I avenimoné plü preocupanç è gnüs aledé de mà, olache al è sté 18 dis de plöia - cinamai nêi. Cösc à fat jì porsora les eghe ete por la val de Mareo, con danns ala pastöra y al tru dla roda. Les eghe è rogherüdes döt isté.

LA NËI

Por ci co reverda les nêis, à l'ann 2013 motü man plütosc cialdin, mo a chi dles cadries i aspetâl ciamó bindebò de laür. Noü àl tai pröms mëns dal ann en gröm de iadi, can püch can inçe cotan. Nêi

èl gnü ai 14 de jenà (10 cm), y le dé dô 6 cm laprò. Dai 19 ai 21 àl noü cotan, bun 25 cm, y tla nêt dedò ciamó en iade 15. Ennant èra jüda ai 2 y 4 de forà, olache al n'è tomé respetivamenter 6 y 3 cm, ai 5 y ai 6 de forà endò 10 cm. Spo à le tomp fat na palsa cina ai 23 y 24 de forà, olache al n'è endò tomé 13 cm, püc dis dedò ciamó 5. Tla net dai 9 y 10 de merz àl fat jö en picio sblauh de nêi, deperpo che i dis denant àl ploü bindebò dassënn. La maiü noüda dal ann nò è stada danter i 17 y 18 de merz, olache al è tomé 33 cm de nêi. Döt adöm pòn dì che l'invern 2012/13 è sté en invern da trepa nêi, mo püch sorëdl. Gonot èl sté tomp da nio con ciarü y prezipitaziuns. Dër püc è stës i dis con ci sarënnch döt le dé. Cösta situaziun à doré cina mez aorì. Noü àl ciamó ai 20 de merz (3 cm), y spo dai 24 ai 27 de merz àn da doman tres ciapé en sblauh de nêi defora da üsc. Ai 28 y 29 de merz àl ciamó en iade noü 25 cm, mo ia por le dé èl gnü trepa plöia y cösta nêi s'an è tòsc stada. L'ultima nêi - püc zentimetri - è tomada tla nêt dai 23 y 24 de mà,



La Pli en Vëia de Nadé: gnanca en floch de nêi y tomples con stricore de vërt.

dô na aisciôda grija y da trepa plöia

La pröma nëi dal invern 2013/14 è tomada ai 11 d'otober, inçe sce mà 2 cm. Tla net dai 11 ai 12 n'al spo ciámó fat jö 12 cm. Spo àra döré en mēns, čina ai 9 de novēember, che al nen tomass endô en zentimeter. Noü àl inçe tla net dai 14 y 15 de novēember (4 cm). Ai 15 de novēember èl inçe sté le pröm iade che ara è jüda da mēter da jì i canuns dla nëi sön Piz de Plaies, inçe sce ara è ma jüda da fà pücia nëi. L'invern è jü ennant scialdi čialdin y sot les mesanes dla sajun. Na maiù nëi è gnüda ai 21 y 22 de novēember (17 cm) y spo ciámó ai 23 (12 cm). En San Stefo àl ciámó en iade noü cotan, fajenn jö 28 cm de nëi, mo la nēt denant àl ploü cotan. Tla nēt dai 30 ai 31 de dezēember èl tomé i ultimi 2 cm dal ann.

Na parora se mirita inçe jenà y forà dal 2014. Tal paśc d'Al Plan èl tomé döt adöm 135 cm de nëi, čì co è fora de mosöra, sce an ponsa che chisc dui mēns è de regola danter i plü assóc dal ann.



Les gran eghes gniides tla Val de Mareo ai 17 de mà 2013. Cösc è le let dal rü tai Tamerse, slunfé sö fora de mosöra.

I TEMPORAI

Döt adöm à le 2013 albü 23 dis con temporai, dui deplü co l'ann denant. Le maiù è gnü tla nēt dai 22 de messé, dô les 10 da sēra, olache al è inçe tomé granüjeres. Čiamó le dé dô odēn alüsc müdli

de granüjeres abinēs sö. Zonza èl sté temporai de intensité mesana o debli. Le plü àl toné de messé, con 8 dis da temporai, de jügn èl sté 6 dis, d'agost 4. L'ultimo temporal è gnü ai 17 de setēember da doman adora.

Valgügn dač sön le tomp

Mēns	Temperatöres mesanes (°C)		Dis da plöia y/o nëi		Cuantité de plöia (mm)	
	2012	2013	2012	2013	2012	2013
Jenà	-4,7	-3,2	4	6	29,2	20,8
Forà	-5,0	-4,3	2	8	9,2	22,2
Merz	5,0	0,5	2	11	20,2	71,2
Aorì	5,8	8,0	13	9	76,4	39,8
Mà	10,9	8,6	8	18	43,8	124,4
Jügn	15,3	12,9	14	10	123,4	83,8
MEZ ANN	4,6	3,8	44	62	302,2	362,2



Salf dal Zënter Families

Le salf dal Zënter Families Mareo, co è da ciafé sot la biblioteca d'Al Plan, è davert dui iadi al'edema, **vigne dédölönesc y jöbia dales 9.30 ales 11.00**. Geniturs con de pici mituns po jì enlò a passé val' tomp de compagnia. Al è dagnora na oma o en pere co fistidiëia da daorì, čiaré sora y tignì šauber le local. Le salf romagn slüt dertan les vacanzas de scora, inçe dertan l'isté.

Al vën chirì inçe geniturs voluntars co se metess a desposiziun da daidé tignì davert le local. Sce al n'è de chi co ess enteres, pòi cherdé sö tó sö contat ala mail familiesmareo@rolmail.net

Orars de daorida dla Biblioteca d'Al Plan

La biblioteca è daverta chisc dis:

Lönesc 9.00 - 12.30 y 15.00 - 18.00
Dédemesaledema, jöbia y vëndres 15.00 - 18.00

Paiun d'La Pli: proiet aproé

Dezijiuns tutes dla Junta de Comun tles sontades dai 27 de novèmbel 2013
cina ai 26 de forà 2014

LAÛRS

Asfaltaziuns: La Junta à aproé la pert finala dai laûrs de asfaltaziun fac dla firma Varesco Srl da Neumarkt, por la soma de endôt 35.902,23€ plü IVA, co ti è spo inçe gnüs paiès fora.

Al è inçe gnü aproé la pert finala dai laûrs de asfaltaziun sôn la strada Plazores y sôn la strada danter Al Plan y Pederü, fac dla dita Kofler & Rech Spa. Por Plazores èl gnü aproé y paié fora la soma de 42.440,49€ plü IVA, por Al Plan - Pederü èl gnü aproé y paié fora la soma de 38.483,74€ plü IVA. Ala medema firma i èl inçe gnü paié 8.539,90€ (con IVA laprò) por d'atri laûrs de asfaltaziun.

Raiuns d'espansiun Rina I y Rina II: al è gnü aproé la cuarta pert dai laûrs fac dla firma Karl Wieser Snc da Türesc, por la soma neto de 444.701,26€. ala firma i èl gnü paié fora la soma de 103.246,82€ plü IVA.

Scora de Musiga d'Al Plan: la firma Fireservice Srl con sonta a Bornech è gnüda enciariada da condü y mëter sô i destôdatus y les segnalaziuns por i planns d'evacuaziun, por na soma de 2.079,29€. La firma Decor Srl con sonta a La Val è gnüda enciariada da condü 50 scagns por les leziuns de musiga, por na spëisa de endôt 4.525,00€ plü IVA. La firma Pedevilla Snc d'Al Plan à cialé l'enciaria da condü y mëter sô coltrines a rolô, por la soma de 6.308,16€ plü IVA.

Garasc de comun sot tera: le sign. Georg Erlacher d'Al Plan è gnü enciarié da numeré i posc da parché, por na soma de 420,00€ plü IVA.

Paiun d'La Pli: La Junta à aproé le proiet esecutif laoré fora dal

dot. arch. Marcello De Biasi, co prevëiga en cost de 389.206,00€, partis sô ensiö: 299.866,20€ por laûrs sôn basa de lizita, 18.384,10€ de cosc por la sügherté y 70.955,70€ de somes a desposiziun dl'aministrazion. Laprò à la Junta de Comun inçe azeté le contribut de 100.000,00€, conzedü dla Junta Provinziala con decret nr. 11/7.3 dai 15 de forà 2013. La firma Pronorm Consulting Srl da Balsan è gnüda enciariada da laoré fora la documentaziun por scrî fora i laûrs, por na soma mascimala de 4.392,00€ (IVA laprò). I laûrs da moradü, da eletrizist y da zumpradü gnarà apaltês con l'aplicaziun dal prisc plü bas, con la manira dal arbas porciontial a mosôra.

Strada La Pli - Brach: La Junta à aproé la terza pert dai laûrs, fac dla firma Ploner Srl, por la soma neto de 719.908,74€. Ala firma i èl gnü paié fora spo 85.093,66€ plü IVA.

Canalisaziun strada Tlosôra: le dr. inj. Maurizio Kastlunger con stüde a Bornech, è gnü enciarié con la proietaziun, sorastanza y contabilité dai laûrs y la redaziun dal plann de sügherté, por le renovamont dla canalisaziun despartida tla strada Tlosôra a Al Plan, por en onorar de 14.679,96€ (contr. y IVA laprò).

Strada Rina - Pecëi - Tintal: la Junta à aproé en acunt de 60.000,00€ por i laûrs co vën fac dla firma Brunner & Leiter Ohg da Weißenbach.

AL VËN PAIÉ FORA CUNC

Al è gnü paié fora deplü cunc co reverda les ciasesdafü tles scores/scolines da Rina y La Pli. 1) Ala firma Elektro Mutschlechner d'Al Plan la soma de 4.175,39€, co reverda laûrs emplü te scolina d'La

Pli; 2) ala medema firma 2.850,58€ por laûrs emplü pla scolina da Rina; 3) ala firma Prostahl Srl da Kaltern 601,41€ por laûrs emplü te scolina d'La Pli; 4) ala firma Medo Sas d'Al Plan 1.949,39€ por laûrs emplü tla scolina d'La Pli. Dôtes les somes è con IVA laprò.

Ala firma Ploner Giuseppe con sonta a Al Plan ti èl gnü paié fora la soma de 979,66€ (IVA laprò), **por laûrs fac tal zënter d'La Pli.**

Al Istitut Ladin Micurà de Rü i èl gnü paié fora 10.500,00€ **por les chertes dai toponims dal Comun de Mareo.**

Al Stüde legal assozié Kofler-Baumgartner-Kirchler con sonta a Bornech i èl gnü paié fora la soma de 2.140,12€, **por prestaziuns legales sôn cuestiuns urbanistiches.**

Al Consorz Agrar da Balsan - filiala San Martin, i èl gnü paié fora la soma de 1.204,14€ (IVA laprò) **por la fornidôra de sé da strada.**

Ala firma Sanoll Landmaschinen Srl i èl gnü paié fora 3.045,12€ (IVA laprò) **por la cumpra de 2 pêr de morones da nëi.**

Ala Mobili Mareo Sas con sonta te Mareo ti èl gnü paié 695,40€ (IVA laprò) **por avëi condüt y motü sô 2 tofles da parëi tla scora de musiga d'Al Plan.**

Ala firma Termoladinia Srl d'La Val i èl gnü paié fora en cunt de 3.803,33€ (IVA laprò) **por avëi condüt y motü sôn en termoregoladü te ciasa de comun.**

Al Consorz dai Comuns i èl gnü paié fora la pröma rata dal contribut anual 2014, por la soma de 1.890,23€ (IVA laprò).

Al è gnü paié fora la soma de 24.658,15□, soma a ciaria dal Comun de Mareo por la gestiun dla biblioteca de valada "Sas dla Crusc" por l'ann 2013.

Ala firma Medo Sas con sonta te Mareo i èl gnü paié fora 909,89□ (IVA laprò) **por le spostamont d'en idrant tla localitè "Gran Pré".**

Ai aconsiadus de Comun y ai mēmbri dla Comisciun dal Frabiché i èl gnü paié fora i scioldi de presonza por les sontades stades dertan le 2013. Al è gnü paié fora 50,00□ a sontada. **Por le Consēi èl gnü paié fora endöt 2.100,00€, por la Comisciun dal Frabiché 4.200,00□.**

Ala firma Zimmerei Palfrader de Palfrader Gabriel con sonta te Mareo i èl gnü paié 725,90€ (IVA laprò) **por avēi condüt en banch da se sonté dlungia la scora de musiga.**

Ala firma Tessitura Snc de Mareo i èl gnü paié fora 908,90□ (IVA laprò) **por en funz da tepih tla scora d'Al Plan.**

ENCIARIES

Tal raiun Paracia II mēssel gnü

esproprié terac. **Por sciazé le prisc, èl gnü enciarié le dr. Josef Ludwig Rungger con stüde a Tluses,** co à ciagé paié fora la soma de 1.201,06€ (retegnüda IRPEF de 230,00□).

Dla firma Moser & Co. Srl con sonta a Bornech, èl gnü cumpré 60 m³ de giara por l'invern, por la soma de 1.748,75€ (IVA laprò), y spo ciámó 160 m³ de giara, por na soma de 4.663,33€ (IVA laprò). Tla sontada dai 26 de forà 2014 à la Junta aproé cosc emplü da pert dla medema firma, por sé da strada y giara: önn en iade 1.777,89□, y en secundo cunt de 116,58□

L'arch. Paul Graber da Porsenù à ciagé por l'ann 2014 **l'enciaria desco espert de sügherté por destrighé les prestaziuns preodüdes dal decret legislatif nr. 81 dai 09.04.2008, por na oferta de 2.880,18€ (contr. y IVA laprò).** Le medemo arch. à incé ciagé l'enciaria dai controis de sügherté tles plazes dles blēites dles trēi scolines de comun y dles trēi plazes publiches, por la soma de 951,60€ (contr. y IVA laprò).

La firma Eco Center Spa da Balsan à ciagé l'enciaria da fà i

controis de cualité co reverda les condütes dal'ega de Comun, por la soma de 69,00€ plü IVA por vigne control de rutina, y 127,00□ plü IVA por vigne control de verificaziun. Aladò dla lista, èl da fà 13 controis de rutina y 7 de verificaziun.

L'inj. Günther Schönegger con stüde a Bornech è gnü enciarié **da arjigné ca la documentaziun por la realisaziun de na plaza plurivalēnta a La Pli,** por na soma de 5.328,96€ (contr. y IVA laprò).

Dla firma Hell Landmaschinen Srl con sonta a Eppan s'à le Comun empresté por 6 mēnsc, cina ai 30 de jügn 2014, en auto Radlader JCB 416 con azessurs aladò, por la soma de 8.046,00□ plü IVA. **La medema firma è gnüda enciariada da condü na mascînn da engiaré,** co sorviarà por l'UNIMOG de Comun nò, por la soma de 18.500,00□ plü IVA. Laprò incé na cadria por l'UNIMOG nò por la soma de 10.000,00€ plü IVA.

L'UNIMOG dal model U400 è gnü cumpré dla firma Autoindustriale Srl da Balsan, por la soma de 154.300,00€ plü IVA.



I laoranti de Comun con döes mascînn. A man ciampa l'UNIMOG U400 nò, che le Comun à cumpré da püch.

Le dot. inj. Walter Ferdigg con stüde te Mareo à cîafé l'enciaria da scrî fora i formulars por la domanda de arlungiamont dla conzesciun dal'ega da bëre D/3615, por en onorar de 2.436,10€ (contr. y IVA laprò).

Le Comun à cumpré dala firma Aldebra Spa da Balsan en computer por la soma de 1.084,58€ (IVA laprò).

Le sign. Pablo Palfrader à cîafé l'enciaria por la redaziun dla Cronica dal Comun de Mareo por l'ann 2014, por en paiamont lordo de 7.000,00€ (plü INPS y IRAP de competonza).

I sign.s Pablo Palfrader y Iaco Rigo è gnüs enciariës da mëter adöm la plata d'enformaziun dal Comun de Mareo "Le Saltà" dertan l'ann 2014, por en paiamont lordo de 6.021,75€.

Le p.i. Georg Mutschlechner è gnü enciarié da laoré fora le proiet de mascima, proiet esecutif y la documentaziun por scrî fora i laürs y la direziun dai laürs y contabilité, por la renoaziun dla iluminaziun publica tla localitè Valiares. Le paiamont è de 14.559,48€ (contr. y IVA laprò).

La firma Elektro Mutschlechner è gnüda enciariada da condü y mëter sö döes löms por la scolina d'Al Plan, por la soma de 701,00€ plü IVA. La medema firma à cîafé l'enciaria por la restauraziun dles löms de strada tla localitè Mantëna, por la soma de 1.108,00€ plü IVA.

La firma Hell Landmaschinen Srl con sonta a Eppan è gnüda enciariada da condü en arforadù por le motor dla mascînn Fastrac 2155, por la soma de 2.000,00€ plü IVA.

AMINISTRAZIUN

La Junta à aproé na convenziun danter le Consorzi dai Comuns de Südtirol y la Telecom Italia Spa, co prevëiga l'istituziun de n'assügheraziun fideiussora, co dess garantì y cori intervoné y

danns eventuai pai laürs che la Telecom fej sön terac comun.

Le Comun à afité ia deplü posé da parché tal garasc sot tera ete: 2 posé ala Comunità Comprensoriala de Puster al prisc de 45,00€ a post y mëns, 2 posé ala Cassa Raiffeisen Val Badia por 50,00€ a post y mëns, 1 en post ala Botëga Sauter de Trebo Silvia por le prisc de 50,00€ al mëns.

Sön domanda dal sign. Rindler Christian, à la Junta dé pro ala müdaziun da bosch a vèrt de ciampopré de na spersa de 1.040 m², söla pdt 2845 CC de Mareo, tla localitè "Noares".

Sön domanda dla sign. Maria Rungger y dla sign. Anna Rungger èl gnü dé pro da müdé le plann dla contrada tla localitè Rina, plü avisa la müdaziun da bosch a vèrt de ciampopré de na spersa totala de 1.200 m², sön pert dles ppdt 2740/4, 5030/1, 2739/3 y 5028/1, dötes tal CC da Rina.

Sön domanda dla signura Palfrader Rita, raprezentanta legala dla "M&M Sas", à la Junta aproé da müdé le plann normatif dal raiun d'espansciun "Chi Trêi", lôc A/1 y A/2, arlungenn la ligna de mascima frabicaziun fora de tera sön les ppdt 3166/41 y 3166/42 tal CC de Mareo, fina sön le confin con le lôc A4.

La Junta à aproé en contrat de barat con le sign. Massimiliano Taibon. Le Comun i dà al sign. Taibon 54 m² dla pdt 2658/7 tal CC de Mareo, y le sign. Taibon i dà al Comun la pdt 2660/31 de 52 m² y ciámó 2 m² dla pdf 1378, dötes tal CC de Mareo.

Le Comun à slüt jö en contrat de barat con le sign. Luca Mellauner: le Comun i dà al sign. Mellauner 16 m² dla pdt 5051 tal CC da Rina, le sign. Mellauner renunzia porchél tai confrunc dal comun de Mareo ala osservanza dles destanzes pla costruziun dla strada d'azes por le raiun d'espansciun Rina I y Rina II.

Le Comun de Mareo à motü

a desposiziun la soma de 187.646,41€ por le sorvisc dla desciaria dal refodam co vën manajada dla Comunità de Val, desco ince por l'amortisaziun dal auto motü a desposiziun por cheie adöm le refodam de ciassa. Ala Comunità de Val i vëgnel paié vigne mëns 15.637,21€.

Le sign. Alessandro Winkler à fat domanda da cumpré dal comun 12 m² de terac dlungia söa majun tla localitè Rara. La Junta à dé pro da i vëne le terac sön la parzela 4159 tal CC de Mareo, por la soma de 1.200,00€. La vonüda ea gnüda aproada belo denant dal Consëi de Comun, tla sontada dai 20 de dezëmber 2013.

Le Comun à slüt jö con la firma Amonn office itcompetence center da Balsan en contrat pay per page (paia por plata), por les stampes dai 2 aparac multifunzionai (fotocopiadus y stampantes) te ciassa de comun. Le contrat prevëiga cöstes condiziuns: la Amonn ti cumpra jö al Comun i aparac vedli por na soma de 1.688,10€, y istalëia te ciassa de comun 2 aparac multifunzionai y na picia stampanta, sorantol la manutenziun y ti vënn al Comun 8.055 copies a blanch y fosch y 502 copies a corusc, por le prisc de 4.464,00€ (372,00€ al mëns). Por vigne stampa emplü gnaral araté 0,009€ sce ara è a blanch y fosch, y 0,062€ sce ara è a corusc.

Ala sign.a Raffaella Rungger i èl gnü assegné tal raiun d'espansciun "Gran Pré" la pdt 2658/14, con na spersa de 261 m² y na cubatöra mascima de 596,11 m³. Por le terac alesiré àra belo paié ete la soma de 39.222,42€.

Culta de sojornanza: Dertan le 2013 èl roé te Comun 4 domandes de classificaziun de unitès abitative, plü avisa da pert de: Cosimo Marasciulo (str. Paracia), Tonino Murri (Str. Pelegrin), Elisabetta Aureli (Al Plan Dessora) y Alessandra Aureli (Al Plan Dessora). Conscidrenn che le paîsc d'Al Plan è en raiun turistich classifiché otimal, i èl a dötes les



cater abitaziuns gnü assegné la 1a categoria, chëra plü alta.

PERSONAL

Le dr. Eduard Winkler è gnü nominé responsabl dla culta comunala de sojornanza, desco inçe responsabl por la portina unica por les ativitès produtives (SUAP). Le medemo è gnü encadré tla 7. cualifica funzionala Ter, con le profil profescional de funzionar aministratif con titul academich de almanco trëi agn. L'encadramont à valüta dal 01.09.2013 ennant.

Por la soma de 6.000,00 € èl gnü cumpré bonns da adoré por paiamoné, cultes y contribué a personal tut sö a nivel sajonal y ocajional.

Al Secretêr de Comun Heinold Rottensteiner i èl gnü païé fora por l'ann 2013 na indenité de resultat de 5.456,57 €.

Ai dependoné de comun i èl gnü païé fora la premia de produtivité por l'ann 2013, co fej fora endöt 21.380,00 €.

I laoranti de comun signs. Filippo Erlacher y Roland Daverda è gnüs enciariés con la funziun de tecnics por l'ega da bëre.

Con le 1. de jenà 2014 èl gnü aumonté da 28 a 30 ores al'edema l'orar de laür dla sign.a Clara Chizzali, tuta sö desco sorvidëssa por la scolina y la scora de musiga d'Al Plan.

Le sign. Aldo Palermo è gnü enciarié con le sorvisc de polizist de comun, dai 27.02 ai 08.03.2014, por n mascim de 4 ores al dé.

CONTRIBUC

A cöstes uniuns y istituziuns ti èl gnü conzedü en contribut: 500,44 € al'Assoziaziun Turistica d'Al Plan por le consum de forza eletrica tla ciasadafü dla Scora de Musiga; 2.000,00 € ala Union Marcé dai Paur Mareo a sostên dl'ativité y dandadöt por cumpré tëndes; 10.000,00 € ala Union dai

Ostis de Mareo por avëi fistidié dla realisaziun dla ciasadafü por les uniuns tla ciasa dla scora de musiga; 900,00 € porom ai cors de dljia d'Al Plan, La Pli y Rina; 2.600,00 € porom ales musighes d'Al Plan, La Pli y Rina; 900,00 € al Senioreclub Mareo; 500,00 € al Senioreclub da Rina; 2.200,00 € ala Union de San Vinzenz; 3.000,00 € ala Union Maestri Ladins por la publicaziun dal liber "Le Gran Bracun"; 3.000,00 € ala Ploania d'La Pli por la publicaziun dal liber "Santa Maria d'La Pli".



La nëi à dé da laür cotan eniann. Tlò vëigun i stödafüs co despara le têt dla ciasa de comun.

Magazînn de Comun

Le magazînn de Comun ta Cîamaor è davert chisc dis:

Lönesc dales 8.00 ales 12.00

Dédemesaledema 14.00 ales 16.30

Sabeda 9.00 ales 12.00



Udiënzes dal assessur Florian Mussner

L'assessur provincial Florian Mussner tèn söes udiënzes plü iadi al ann inçe tla Val Badia. Chisc è i terminns: vëndres ai 21 de merz, vëndres ai 27 de jügn y vëndres ai 26 de setëmber. L'assessur è te ciasa de comun a Al Plan dagnora dales 8.00 ales 9.00.

Se recordun de nüsc morç



Al Plan
Giuseppe Morlang
Pré Dessot - Curt
+ai 30 de dezember 2013
al'etè de 88 agn



Al Plan
Teresa Ties nasc. Bernardi
de Cassl
+ai 20 de jenà 2014
al'etè de 71 agn



Rina
Paul Vigg
da Presti
+ai 26 de jenà 2014
al'etè de 76 agn



Al Plan
Clara Tamers vèdoa
Oberbacher
de Bureia
+ ai 29 de jenà 2014
al'etè de 87 agn



Rina
Angelz Castlunger
da Strù
+ ai 7 de forà 2014
al'etè de 85 agn

Conzesciuns da frabiché

DEZÈMBER 2013

Mutschlechner Felice, 2. varianta por l'ampliamont cualitativ y cuantitativ dal restorant "La Para", Al Plan

Innerkofler Margareth, 1. varianta por la müdaziun y le ressanamont dla ċiasa d'abitaziun, Al Plan

Tasser G. & C. Sas, tru de bosch sön le rü d'Antermëia, Rina

Gasser Hermann Josef, ressanamont y ampliamont dal frabicat, Rina

Innerkofler Margareth, ressanamont energetich y ampliamont dla ċiasa d'abitaziun, Al Plan

Ellecosta Silvester, ressanamont energetich y ampliamont dla ċiasa d'abitaziun, La Pli/Frena

Rindler Christian, realisaziun d'en magazinn agricul - varianta, Al Plan

Erlacher Meinhard, costruziun de na ċiasa d'abitaziun tal raiun d'espansciun "Gran Pré" -

variante, Al Plan

Innerkofler Margareth, 3. varianta por la müdaziun y le ressanamont dla ċiasa d'abitaziun, Al Plan

Huber Alfred, costruziun de garasc pla ċiasa d'abitaziun, Al Plan

JENÀ 2014

Mutschlechner Karl, varianta al ressanamont energetich con ampliamont dla ċiasa d'abitaziun, Al Plan

Pallestrong Felix, ressanamont energetich y ampliamont dla ċiasa d'abitaziun - 1. varianta, Rina

FORÀ 2014

Winkler Markus, costruziun de na ċiasa d'abitaziun tal raiun d'espansciun Gran Pré - varianta, Al Plan

Burchia Adalbert, emisciuin nea dla conzesciun da frabiché por i laürs nia ċiamó slüç jö pla costruziun nea de na ċiasa a ligna,

La Pli

Comun de Mareo, varianta por l'ampliamont dla ċiasa dai stödañs, dal aiüt alpin y dla musiga, Al Plan

Willeit Max, varianta pla costruziun nea de na ċiasa a ligna, La Pli

M&M Sas de Rita Palfrader & Co., costruziun d'en residence con 2 apartamoné confinané

Palfrader Albert, Palfrader Giuseppe, ampliamont aladô dal art. 127 coma 2 dla lege urbanistica nr. 13 dal 1997, La Pli

Lanz Maria, Pedevilla Maria Margareth, Pedevilla Paul, ampliamont aladô dal art. 127 coma 2 dla lege urbanistica nr. 13 dal 1997, La Pli

Mutschlechner Karl, costruziun nea da pié sô l'ega sön le Rü d'Al Plan, Al Plan

Pallestrong Klaus, costruziun de na ċiasa d'abitaziun sön le lü slüt "Prestir", Rina/Costalungia

Sontades dla comisciun dal frabiché 2014

Data sontada

28 de merz
30 d'auri
30 de mà
27 de jügn
25 de messé
29 d'agost
26 de setëmber
24 d'otober
28 de novëmber
19 de dezëmber

Ultimo terminn da dé jö

12 de merz
15 d'auri
14 de mà
11 de jügn
09 de messé
13 d'agost
10 de setëmber
08 d'otober
12 de novëmber
03 de dezëmber

*Por l'ordinn dal dé vëgnel
tut en conscidraziun mât
domandes plënes con dōta la
documentaziun aladô dal art.
10 y 11 dal ordinamont da
frabiché de comun.*

Documentaziun:

- domanda de conzesciun da frabiché scritta fora deplën y co vâi da lì, con marca da bol de 14,62□ - firmada dal tecnich y dal comitënt

- dessëns dles operes te trëi copies - firmës dal tecnich y dal comitënt, con:

* relaziun tecnica con cunt dla cubatōra y dl'altëza dal frabicat

* estrat dla mapa y planimetria con lignes de nivel y cuotes

* estrat dal plann urbanistich de comun; plantes, prospec y seziuns

* verifica dles mosōres dla spersa dles finestres y dl'altëza dai locai

* verifica dal adatomont dla costruziun por l'azes ai portadus de handicap con relaziun tecnica y la detlaraziun aladô dal art. 7 dal D.P.P. dai 9.11.2009 nr. 54, co reverda le superamont dles barieres architettoniches

- documentaziun fotografica detaliada (proieç zonna documentaziun fotografica ne vën nia tratës dala comisciun dal frabiché); por modifiches d'en plann de atuaziun incé la CD tal format PDF.

Le marcé dai paur

Belo da 17 agn encà vègnel tignì te Mareo le marcé dai paur, na iniziativa aprijada soradöt dai sciori. Por i paur na poscibilitè da vène diretamonter sù producé dal lü y se davagné val' sorapro. Mo le marcé è cotan deplü co mâ vène

Tal tomp de sajun turistica - sides d'isté co d'invern - èl oramai gnü tradiziun da avèi danter l'oferta turistica d'Al Plan incé le marcé dai paur. Le marcé è belo nasciü dan 17 agn, y vèn encö organisé chi 8 iadi d'isté y 8 d'invern, dagnora le vèndres dômsidé dales 16.30 čina ales 18.30, sön plaza dan le paiun de païsc. Pal marcé ne po nia mâ vigne paür gni adalerch y vène čicossia. Le marcé è regolé avisa dal statut dai marcés dai paur de Südtirol, y por podèi vène sù producé, èl vigne paür co adora na lizonza regulara dada fora dal Comun. Vigne 3 agn vègnel motü en ater presidènt o n'atra presidènta a rode. Encö è Patrizia Kastlunger a če, le vize è Felix Ploner. Incé i producé co vèn vonüs, mæss tignì ete normes strontes, co ne regoléia nia mâ la vonüda, mo soradöt incé la produziun. Cis por le patüc da mangé mæss i paur avèi locai de produziun adatès, co vèn incé

controlès dai ispeturs sanitaris.

PAURS Y ARTEJAGN È BÈNODÜS

Incé te cösc čiamp è la burocrazia gnüda tres maiü, les normes tres plü restritives y zities. Cösc à incé porté pro che trec paur co à en iade tut pert al marcé, l'à plü ennant dada sò o s'à trat zoruch. Encö èl chisc paur y artejagn co mèt sò so stont sön le marcé: Berto y Patrizia Kastlunger dal Lù Mesavila da Pliscia (čiajôs), Georg y Margareth Frenner dal Lù de Pinčia (met, marmelades, tès y d'ater), Heinrich y Anna Willeit dal Lù da Čianoré (ega de vita y licörs), Carlo y Felix Ploner de Míl Dolomites (mì y figöres de cera), Arcangelo y Agata Obwegs (spèisa frësca da paür), Jan Agreiter de Brach (farines y pan da paür), Irina Tavella d'Al Plan (taïs, copes, bochès de arjila), Waltraud Erharter Hitthaler y Gabi de Puster (guané y ciüries de

Loden),

Le marcé dai paur ne n'è nia en "čèrtl slüt", olache degügn ne po pormez. Atramonter: al è l'enteres dla uniun da crësce, y al vèn tres čiri paur co oress fà empara. L'organisaziun è daverta incé ai artejagn. Avèi sön le marcé plü oferta po mâ ester de vantaje y de arichimont por dōta la manifestaziun.

EN AIÜT POR LE PAUR

Ester ala pert pal marcé se damana dal paür sogü en sforz emplü, mo porchèl vègnel incé ete val' sorapro. Le marcé è na poscibilitè de valüta por mèter fora i producé da tlò tal zènter de païsc, olache al s'abina incé adöm cotan de jont. Soradöt i sciori co vèn te païsc aprijèia i producé fac sòle lü, desco incé l'autentizité co stà doia. Le scior co va sòle marcé ciafa n'atmosfera sciompla, y al ciafa incé le contat diret con le paür o l'artejan, co ne ti dij nia mâ



Le grup dal marcé dai paur encö, deboriada con le secretêr de Comun.

le prisc dal produt, mo sa da ti la cunté sön i vari dla produziun: dla flu čina al tē, dla é čina ala mī, dla farina čina al pan o dal lat čina al čiajó. Y cōsc ti dà le tōnn emplū respet ala gran produziun de massa.

Desco dit, èl scialdi le scior co se tēn sō sōle marcé dai paurs. Manco vëgun la jont dal post, co n'ā nia ascognū tal passé inće osservaziuns critiches sōn la manifestaziun. I paurs ne vëiga so marcé nia mā desco post de vonüda, mo al podess gnì odü inće desco post da s'encunté y da se tignì sō con aorela cōrta.

Inće le marcé dai paurs à sōnti tai ultimi agn la crisa economica. La cualité dai produc se iera en prisc co po ester plü alt co i produc sōle gran marcé industrial. Laprò è alzēs i cosc de produziun, y inće i sciori roda vigne monēda denant co la spēne. Empò è i paurs dla convinziun che la forza dal marcé stā tla cualité dai produc y tl'autentizité dla manifestaziun.

EN IOLAN

Pormēter fora sū produc ai paurs



Sōle marcé dai paurs, na sēra da d'invern.

sū banc y tēdes co fej assosta. Cōstes po inće gnì emprestades ennant a d'atres uniuns co les adora. Finanzié se finanziēia le marcé tres i paurs enstēsc y con val' contribut dla man publica. L'Aziēnda ne contribuēsc nia finanziariamonter, mo dēida

empara metenn sō so marcé sōn le program dles manifestaziuns. A dōt le grup dal marcé dai paurs i stāl a cōr da reingraziē le Comun por le sostēn co è dagnora gnū desmostré, y inće l'Aziēnda co dēida fā retlam dla iniziativa y fistidiēia por la cornisc musicala.

DAIDÉ POR VOCAZIUN



Nos ti pitun a jogn y jones na **esperionza** te öna dles maius assoziaziuns de volontariat dla provinzia, na **bona formaziun** tal čiaamp dal pröm aiüt, na **vijiun** dal čiaamp dla sanité, la poscibilité da conēsce **porsones motivades y disponibles**.

Fà inće tō pert dla Crusc Blančia, al te darà na gran sodesfaziun!

INFO:

Crusc Blančia Seziun Mareo | Str. Catarina Lanz 48 | 39030 Al Plan
Tel. 0474 506 032 | Fax 0474 506 314 | @: st.vigil@wk-cb.bz.it | www.wk-cb.bz.it



Le referendum te Mareo

Le 19% dai marôï à lité en cunt dla democrazia direta. A La Pli plü litadus co a Al Plan, a Rina davagna le "sciö"

A i 9 de forà ea i zitadins de Südtirol cherdês da dé jö sôa minunga pal referendum sôn la democrazia direta. I litadus podea dî de sciö o de no ala lege sôn la democrazia direta, aproada l'ann passé dal Consëi Provinzial, mâ con les usc dla SVP. La gran novité de cösta consultaziun popolar ea chëra che al n'ea degün cuorum. Tanco valea les usc de chi co litâ, anfat tané co foss jüs. Te döt Südtirol êl 401.979 porsones co â le dêrt da jî a lité. De cöstes n'êl sté 104.835 co è jüdes a dé jö la usc, tanco le 26,1%.

A nivel de provinzia, à le 65,2% dai litadus lité de no, tanco cuntra la lege nea dla SVP, le 34,8% à lité de sciö. Cî ô pa dî cösc? Che la lege aproada l'ann passé dla SVP ne jarà nia en forza. Por envié ia en referendum val dôtaorela la lege da denant, aproada dal 2005.

AL PLAN Y LA PLI DIJ "NA"

Tal comun de Mareo ea 2.159 porsones cherdades da jî a lité. De cöstes à mâ 414 respognü al envît, tanco è le 19,18%. Cater è stades les zetoles blançes. Te döt le comun êl sté 159 litadus - le 38,41% - co à respognü de sciö, tanco co ess aproé la lege dla SVP, deperpo che 251 à dit de no, le 60,63%.

I plü lezitoné è stês chi d'La Pli, co à albü plü litadus co Al Plan. A La Pli è jüdes a lité 184 porsones



Tla sonta litala a La Pli de Mareo.

(le 29,97%). De cöstes à le 38,67% respognü de sciö (70), le 61,33% à dit de no (111). Trêi è stades les zetoles blançes. Tla fraziun prinzipala, a Al Plan, è jüdes a lité endöt 152 porsones, co fej fora le 12,85% dal total. De cöstes à le 30,92% dit de sciö (47) y le 69,08% à dit de no

(105). Ala fin ciamó la seziun da Rina, olache 77 porsones à dé jö sôa usc, le 21,55% dai litadus. A desferonzia dai atri paîsc êl sté le 54,55% co à dit de sciö (42) deperpo che le 45,45% à respognü de no (35). Ôna ea la zetola blančia.

Fajede retlam tal Saltà!

Le Saltà de Mareo vën fora cater iadi al ann, vigne trêi mënsch. Al rôa te vigne ciasa de Mareo. Le Comun pîta la poscibilitè da fà retlam tla plata de comun, cî co è enteressant soradöt por les dîtes co laora sölle teritore. Le retlam tal Saltà vën fat te na forma limitada (1 plata DIN A4 por vigne ediziu). Le cost dla plata entiera è de 320,00€ + IVA, por mesa plata èl 160,00€ + IVA. Chi co à enterès po tó sô contat con Pablo Palfrader al nr. 333 4762010, palfrader@rolmail.net



Impressum: "Le Saltà" - Plata d'enformaziun dal Comun de Mareo - Editur: Comun de Mareo / Ombolt Albert Palfrader - Vën fora cater iadi al ann - Diretor responsabl: Iaco Rigo. Redaziun: Pablo Palfrader. Registrada pal Tribunal da Balsan nr. 24/2011. Formataziun: Iaco Rigo. Stamparia: Dipdruck, Rienfeldstr. 15, 39031 - Bornech. Misciun: Ciasa de Comun, str. Catarina Lanz 48, 39030 Al Plan de Mareo (BZ), tel. 0474/501023, fax 0474/501644, e-mail: info@comun.mareo.bz.it - Plata internet de comun: www.comun.mareo.bz.it.